

Des woa i

Text: Tom Lackner

1. Denk z'ruck amoi, des woa vua fünf, sex Joa.
Du foast kommot mi'n Auto
Schdeht a Bua mid launge Hoa
Ohg'rissane Kluft
En Dauman in da Luft
Des woa i
Des woa i

2. Heast, waaßt as no? Dea Bua in dein' Büro
Dea ane, zu den'st g'sogt host
„Es is nix frei. Suach aundaswo!“
Oisa is a recht frustriat
Zua Tia ausse maschiat.
Des woa i
Des woa i.

- Refr. I bin a G'sicht, des sixt du jed'n Tog
Des ane, des hoit leida in ka G'söhschoft pass'n mog
Jeda Tram, den wea schtoaniat
Oda aus de Au'ng valiat
I bin a G'sicht, des sixt du jed'n Tog

3. Und waaßt as no? Dea Schdroß'nmusikant
En Koffa auf'm Bod'n
Im Heabst aum Schdroß'nrand
Dea schbüht do um sei Le'm
Oisa host eam a wos ge'm
Des woa i
Des woa i.

- Refr. I bin a G'sicht, des sixt du jed'n Tog
Des G'sicht, des um's varreck'ng in ka G'söhschoft pass'n mog
Jeda Tram, dea voi vapotzt
Wia r a Saf'mblos'n plotzt
I bin a G'sicht, des sixt du jed'n Tog

- 4.(=1.) Denk z'ruck amoi, des woa vua fünf, sex Joa
Du foast kommot mi'n Auto
Schdeht a Bua mid launge Hoa
Ohg'rissane Kluft
En Dauman in da Luft
Des woa i
Des woa i
Des woa i